



## Tayeenta Shaqaalaha Dawladda: Xuliddoodu ma saami reer, mise karti iyo aqoon?

### Puntland Maxaa u qorshe ah?

*40 Malyan oo Doollar oo deeyn ah oo ka timid World Bank (Bankiga Dunida) oo loo qoondeeyey in lagu tayeeyo shaqaalaha dawladda. Puntland maxaa la gudboon?*

Sharmarke.samatar@yahoo.com

Shaqaale tayo leh. Shaqaale khibrad iyo aqoon leh. Shaqale lagu soo xushay kartiooda, aqoontooda, khibraddooda iyo hal-abuurkooda. Sidaa ayaa lagu tayeen karaa shaqaalaha dawladda dhammaantood. Ha noqot dawladda Federalka, tan Puntland, iyo inta kale oo idil.

Mashruuc la magac baxay ((SOMALIA CAPACITY INJECTION)) oo ujeedkiisu yahay in lasoo xulo shaqaale u qalma jagooyinka la doonayo in lagu tayeeyo maamulka wasaaradaha, wakaaladaha iyo heya'daha dawladda yaa waxaa laga hirgelinaya dalkoo idil.

Puntland waxaa dhowaan ka socday imtixaanaad lagu soo xulayo khubaradaa loo doonayo jagooyinkaa.

Imtixaanaadkaasi waxaa ka qeyb qaata rag iyo dumar kasoo gudbay xuliddii kowaad. Imtixaanaadka iyo wareysiyadiiba waxaa isugu soo baxay khubaro ku **kala** habboon shaqooyinkaa.

Haddaba isweydiintu waxey tahay "ma inta u qalantaa leh jagooyinkaa, mise waa saami qabiil?"


Waxaa jira dareen ah in loo wadaajiyu jagooyinka saami qeybsiga qabiil oo dhinac loo riixo tayada shaqsiga. Waayo?

Waxaa muuqata in haddii inta ku soo baxda imtixaanaadka lagu kala xulayo shaqaalaha, noqdaan hal jifo ama hal reer amaba u bataan reer, in wax laga beddelo xulkaa. Taa waa dhaqan maanta lagu cad goosto dalkoo idil. Waa dhaqan keenay in uu ba'o maamulka dawladda oo hawladeennadu noqdaan kuwa ku yimid saami reer. Waa waxa dhaliyey in dullinimada 4.5 ka soo dhexmuuqato dhammaan wasaaradihii iyo heyadihii la doonayey in lagu wanaajiyu horumarka dalka.

Dhaqtar ku yimid saami reer, injineer ku yimid saami reer, dhaqaalayahan ku yimid saami reer, beeryaqaan ku yimid saami reer.....

Meeday taladii la doonayey in lagu tayeeyo maamulka dalka?

Taa waxey dhalsay in shaqaalahaa lagu keenay saami reer wadi waayaan hawlihii loo igmaday oo Bankiga Adduunka saluugo kartidooda. Bal eeg shaxdan hoos ku taal:



Puntland: Waxaa ku negaaday 12 bilood shaqooyinkii loo soo xulay in ka yar 10 khubaro, meesha la doonayey in la helo ilaa 35 sanadkan (2017).

Sidoo kale Dawladda Federaalka waxaa ku negaaday boosaskoodi in ka yar 10 khubaro, meesha la doonayey in la helo ilaa 40 sanakan (2017).

